

<<书林清话 书林余话>>

图书基本信息

书名：<<书林清话 书林余话>>

13位ISBN编号：9787805209678

10位ISBN编号：7805209677

出版时间：1999-4

出版时间：岳麓书社

作者：叶德辉

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<书林清话 书林余话>>

内容概要

姑苏之山，削巖而秀潤；太湖之水，清駛而柔膩。

故其人物穎異，風氣敦朴。

子美卜滄浪而居，貽上以漁洋自號。

籍隸他省者尚戀戀不忘茲土，况木本水源之所自出乎！叶煥彬吏部，宋石林先生之裔，世居洞庭東山。

封公于道咸之交，避粵寇之亂，貿遷湖南，而卜居于會城長沙。

煥彬以湘潭籍成進士，觀政天官，而不樂仕進，養親家居。

精研經義、字學、輿地、文詞，旁及星命、醫術、堪輿、梵夾，無不貫通。

凡經籍、金石、書畫、陶磁、錢幣，無不羅致。

手辟郎園，擅水木明瑟之勝。

兄弟子侄相與賞鑒，為人生第一樂事。

海內知好，莫不羨其清福。

近歲湘省兵亂，湘民遷徙靡常，而煥彬遂還蘇垣故居焉。

夫蘇垣固學術一大都會也，考訂家自惠氏父子至宋于庭、陳碩甫，校勘家自陳景雲至顧千里、張紹安，收藏家自徐傳是至黃蕘圃、汪闓原，均非天下人所及。

煥彬于書籍鏤刻源流，尤能貫串，上溯李唐，下迄今茲，旁求海外。

舊刻精鈔，藏家名印，何本最先，何本最備，如探諸喉，如指諸掌。

此《書林清話》一編，仿君家鞠裳之《語石》編，比俞理初之“米鹽簿”，所以紹往哲之書，开后學之派別，均在此矣。

荃孫于版本之學，亦有同嗜。

丁卯川闖，策問《文選》一條受知李順德師，以目錄之學相助。

孜孜矻矻，五十餘年，未嘗稍懈。

讀君《清話》所已言者，無不如吾所欲言，亦間有未及知者。

守“宋廛一民”之微旨，薄“重論文齋”之陋說，則心心相印也。

煥彬不以避兵為苦，而以還鄉為樂。

草窗僑居茗上，猶成鵲華之圖；百詩久貫山陽，復以潛丘自號。

昔人羈旅天涯，且寄慨于故里，如君實踐，能有幾人！然蘇省學術今已中衰，得君振而起之，是所望也。

。歲在着雍敦牂日長至，江陰繆荃孫序。

<<书林清话 书林余话>>

版权说明

本站所提供下载的PDF图书仅提供预览和简介，请支持正版图书。

更多资源请访问:<http://www.tushu007.com>